

誥授建威將軍記名簡放提督法福凌阿巴圖魯陳公步青暨
德配江夫人墓志銘

君諱締高派名發皇步青其字也以道光十八年戊戌歲四月
二十八日午時生曾祖諱學儀妣氏劉祖諱昌逢妣氏劉父諱
英極妣氏曾皆贈以君秩凱旋省墓時焚黃如典禮君少孤上
失怙恃終鮮兄弟無期功強近之親年未冠荷戈勤王展戰吳
豫江皖秦晉各行省卓著膚功性忠直慷慨敢言所謂精誠之
至金石爲開左文襄逾恆器重由軍功擢提戎戴孔雀翎錫
巴圖魯曰恆勇 賞三代正一品封除陝西循化營參將仍領

新右營循化地屬邊圉廻番雜處蹂躪有年剝撫未易爲功君
入境窺民疾苦知其困於鋒鏑賦歛者已難堪商守土吏壹意
拊循餒者凍者殍者哺之衣之殣之克己愛人決幾定變躬履
險艱拯生靈之阨運間有零寇來犯婦孺皆知敵愾而以苟活
退避爲羞此軍民一德安堵無驚迄今三十餘年猶噴噴頌遺
愛弗休也歲乙亥乞假歸娶於江 封夫人明年春仍赴甘隴
時文襄駐軍酒泉益資倚畀檄領恪靖親軍計謀遠猷必以告
君昕夕訓練決勝運籌輒瞞文襄意天山南北破竹勢成如迅
雷不及掩耳捷聞得旨換勇號免騎射晉頭品頂戴己卯夏檄

署西甯鎮總兵疏未上而病作適家書至江夫人卒里第感悼
滋深自知積勞日久無夢錫齡託同邑李槐亭明府詳書遺言
左文襄分行公牘其畧曰宗祠以祀事爲先曾輸繙錢四百串
田租白石永爲祀資兩義子各給恆產餘則立嗣承業以重宗
祧惟相俟知遇特隆屢邀曠典國恩未報不無遺憾云云言訖
目瞑時光緒五年己卯歲四月初五日亥刻也儻所謂鞠躬盡
瘁死而後已者耶文襄撫棺慟哭如失長城親書輓聯云何以
家爲萬里邊塵悲馬革不如歸去他生風雪共牛衣其生平公
爾忘私國爾忘家尤可概見使得大竟厥施壽國壽民壽其身

以壽世則其忠謀卓識上繫宗社安危者豈可以耽測哉胡天
不憐才僅春秋四十有二齋志溘逝噫嘻悲矣君原葬鐵爐衝
枕乾嚮異江夫人原葬汪家塘枕未向丑其嗣子定國孫石麟
女孫三擬爲君卜吉遷徙合妥靈魄於之原背面隧
道重修乞文納幽竈烏虖予與君共事西陲休戚相關情同手
足予治龜茲數閱月奉諱匍犇車入玉門君以先夕屬續鵠原
急難猶依依如昨也扶匱南旋悉本遺言爲部署交聯數載誼
可千秋奚忍以不文辭迺誌其事且系以銘曰

邦之傑國之雄外殄寇內光宗言論丰采有儒者風殊勛銘絕

塞褒綸荷九重氣磅礴而鬱積化神劍爲長虹有禪厥配穴與
同山嶧嶧兮水溶溶我作銘詞謚來者知君是洞庭天岳間氣
所鍾

特用知府奏調江蘇補用同知直隸州候補知縣癸酉科舉人
族如弟崇煌隲民甫謹譔